

Vente cos Reis Magos



BOLETÍN DE INSCRIPCIÓN CONCURSO

D./Dna.(nome do pai/nai/titor/a), _____ DNI _____

Enderezo _____ Localidade _____

Teléfono de contacto _____ Correo electrónico _____

Solicito a inscrición no concurso "Vente cos reis magos" 2018/19 da/o seguinte menor da/o que son responsable:

Nome _____ Apelidos _____

Data de nacemento _____

E, en consonancia co Regulamento 2016/679 do Parlamento Europeo e do Consello (UE), de data 27 de abril, relativo á protección das persoas físicas no que respecta ao tratamento de datos persoais e á libre circulación destes datos, CONSINTO expresamente a publicación das imaxes nas cales apareza a/o menor da/do que son responsábel, individualmente ou en grupo, que se poidan realizar en vía pública, nas diferentes secuencias durante o desfile da Cabalgata de Reis 2019.

Sinatura do pai/nai/titor(a)

INFORMACIÓN BÁSICA SOBRE TRATAMENTO DOS DATOS

Responsable: Servizo de Festas do Concello de Vigo.

Finalidade: Instrución do procedemento do Concurso Vente cos Reis Magos 2018/19, cuxo obxecto é a selección de corenta nenas/os máis doce suplentes para participar no desfile da Cabalgata de Reis 2019.

Lexitimación: Consentimento expreso.

Destinatarios dos datos: Concello de Vigo. Non se prevén cesións ou transferencias de datos.

Exercicio de dereitos sobre protección de datos: Os interesados poderán exercer os seus dereitos de acceso, rectificación, supresión dos seus datos e demais que lle recoñeza a normativa reguladora a través da Sede electrónica do Concello de Vigo (www.vigo.org) e demais lugares previstos no artigo 16 da Lei 39/2015, de 1 de outubro, do procedemento administrativo común das administracións públicas.

Contacto do delegado de protección: dpd.vigo@vigo.org

Procedencia dos datos: Pais/nais/titores dos menores.

Información adicional: O tratamento e protección destes datos realízase de conformidade co previsto no Regulamento da Unión Europea 2016/679 (Regulamento xeral de protección de datos), de xeito que os datos persoais sexan tratados garantindo os principios relativos ao seu tratamento así como os dereitos dos interesados ao respecto, e demais normativa vixente na materia.



*Vente cos
Reis Magos*



BASES DE PARTICIPACIÓN DO CONCURSO

(Aprobadas pola Xunta de Goberno local na súa sesión ordinaria do 7 de decembro de 2018)

1. O obxecto deste concurso é **seleccionar a corenta nenas e nenos para acompañar os Reis Magos, no desfile da Cabalgata de Reis**, que terá lugar na nosa cidade o día 5 de xaneiro de 2019, ademais de doce suplentes para cubrir as posibles baixas ou renuncias.
2. Neste concurso poderán participar todas/os nenas e nenos de Vigo que o desexen; a única limitación por motivos de seguridade será a idade: **só poderán participar aqueles nados entre o 1 de xaneiro de 2006 e o 31 de decembro de 2010, ambos inclusive**. Así mesmo, as nenas e nenos seleccionados en edicións anteriores non poderán tomar parte neste concurso, circunstancia que será verificada polo Servizo de Festas.
3. **Para participar neste concurso, será necesario que o pai/nai/titor(a) cubra o Boletín de inscrición e o presente no Rexistro xeral do Concello de Vigo, no Rexistro electrónico municipal** ou en calquera dos lugares previstos ao efecto no artigo 16.4 da Lei 39/2015, de 1 de outubro, de procedemento administrativo común das administracións públicas. Só se aceptará un boletín por nena/o.
4. Os interesados poderán recoller o Boletín de inscrición na Oficina de Información do Concello de Vigo ou descargalo da páxina web municipal do Concello de Vigo (www.vigo.org); así mesmo repartiranse exemplares destes Boletíns entre centros cívicos, colexios e asociacións culturais.
5. O **prazo de inscrición** será desde o día seguinte ao da publicación, na páxina web municipal, da aprobación das presentes Bases pola Xunta de Goberno local ata o día **15 de decembro de 2018**.
6. A listaxe definitiva de admitidos co número de entrada no Rexistro farase pública na páxina web municipal, a efectos de eventuais alegacións.
7. O **sorteo**, que será público, **realizarase o día 19 de decembro de 2018**, ás 12:00 horas, no vestíbulo do Auditorio municipal da Casa do Concello. A Mesa do sorteo constituirase cos seguintes membros: Presidenta (concelleira delegada da Área de Festas e Turismo), dous Vogais (funcionarios do Servizo de Festas) e Secretaria (xefa do Servizo de Festas).
8. O sorteo iniciarase dando conta do número de inscritos admitidos ao concurso. No caso de que o número de inscritos fose igual ou inferior a corenta e estes estivesen debidamente inscritos, non será necesario o sorteo, limitándose o acto a proclamar como seleccionados a todos os inscritos.
9. O Servizo de Festas comunicará a resolución do sorteo (e a súa participación no evento) directamente a todos os seleccionados.
10. Os pais, nais ou titores das nenas e dos nenos seleccionados deberán, tras a comunicación do Servizo de Festas, asinar a pertinente autorización e acreditar a idade e a paternidade/maternidade/titoría (mediante a presentación do libro de familia) así como a residencia no termo municipal (mediante volante de empadramento). Os anteditos responsábeis deberán asinar a renuncia, no caso de non ser posible a participación no evento.
11. O Concello de Vigo entregarálle ás nenas e aos nenos seleccionados un disfraz, que devolverán unha vez finalizada a cabalgata nas mesmas condicións en que lle foran entregues.
12. O Concello de Vigo disporá dunha póliza que cubra a responsabilidade civil polos danos que as nenas ou nenos puidesen sufrir ou provocar con ocasión desta acción.
13. A concelleira de Festas queda facultada para resolver as posibles incidencia que poidan xurdir no desenvolvemento deste concurso e que non estean previstas nestas bases.
14. As bases de participación neste concurso publicitaranse a través de anuncio nos medios de comunicación locais e estarán a disposición das/dos interesadas/os na oficina de Información municipal, situada na lonxa da Casa do Concello, así como na páxina web municipal.
15. Os datos das persoas solicitantes e os dos seus representantes serán incorporados aos ficheiros municipais. A finalidade da súa recollida é a instrución do procedemento do concurso "Vente cos Reis Magos", obxecto das presentes bases; só serán solicitados aqueles datos estritamente necesarios para a mencionada finalidade. Os ditos datos serán tratados e protexidos de acordo co previsto no Regulamento da Unión Europea 2016/679 (Regulamento xeral de protección de datos), de xeito que os datos persoais sexan tratados garantindo os principios relativos ao seu tratamento así como os dereitos dos interesados ao respecto, e demais normativa vixente na materia. O responsábel do seu tratamento será o Servizo de Festas do Concello de Vigo. En consecuencia, requirirase nos boletíns de inscrición o consentimento dos pais ou titores dos menores para a súa participación neste concurso, que se dará de manifesto coa súa autorización para a inscrición e para que os datos recollidos sexan tratados coa finalidade prevista anteriormente.
16. O mero feito da inscrición para participar neste concurso supón a aceptación íntegra das presentes bases, incluíndo a autorización para o uso de imaxes das/dos sorteadas/os que se obteñan na vía pública, durante o desfile da Cabalgata de Reis.